



UNIVERSITÄTS-
BIBLIOTHEK
PADERBORN

Catalogus Patrum Societatis Jesu

Couplet, Philippe

1686

LVIII. P. Joannes Valat

[urn:nbn:de:hbz:466:1-64697](https://nbn-resolving.org/urn:nbn:de:hbz:466:1-64697)

Haecenus, qui sub Imperatoribus Familiae *Tai min* ingressi memorantur, è Societate nostra 56. praecones Evangelii, dilatata jam fide Christiana per alias octo Provincias, *Pekin, Honan, Suchuen, Xensi, Xansi, Huquam, Fokien, Xantum*, praeter quatuor memoratas supra Provincias saeculi praeteriti. Qui sequuntur ingressi Imperante Familia *Tai cim* Tartaro-Sinica, sub qua Ecclesiae quae haecenus privatae & quasi domesticae fuerant, tandem publice erectae & apertae sunt.

LVI. P. ANDREAS XAVIER COFFLER Germanus *Xun chi* Imp. anno 6. (1649.) primus venit in Prov. *Quam si* Metropolim *Quei lin*, ubi Ecclesiae jecit fundamenta. Hujus operam anno 1650. baptizata Imperatrix Helena, & Regina mater Anna, & haeres Imperii Constantinus, & Colaus *Pan* Achilleus. Sed deinde occiso à Tartaris Imperatore *Yum lie* ejusque filio, Reginae abductae sunt in Aulam Tartari, ubi expensis Regis aluntur & Christum constanter colunt. Anno verò *Xun chi* Imp. 13. (1656.) P. Xavier obiit, & in Prov. *Quam si* sepultus est.

LVII. P. MICHAEL BOYM Polonus *Xun chi* Imp. anno 7. (1650.) venit praedicatum fidem in Prov. *Quam si*: unde mox in Europam legatus est cum litteris Imperatricis Helenae ad Alexandrum VII. Pont. Max. deinde ex Europam redux, anno 1659. obiit & sepultus est in Prov. *Quam si* confiniis.

LVIII. P. JOANNES VALAT Gallus *Xun chi* Imp. an. 8. (1651.) fidem praedicavit in Prov.

Nan kim, inde in Aula, ac demum in Prov. *Xantum* Metropoli, ubi ædes & Ecclesiam restauravit præter Ecclesiam in oppido *Tain gan* aliaque Oratoria & Missiones numero undecim. Præterea in *Siu cheu* finitima urbe Prov. *Nan kim* novam extruxit anno 1678. opera *Heu* belli ducis qui non multò ante mortem baptisma susceperat.

LIX. P. FELICIANUS PACHECUS Lusitanus eodem anno 1649. venit prædicatum in Prov. *Nan kim* urbem *Hoayngan* modò in *Nam kim* Metropoli vineam dominicam excolit.

LX. P. EMANUEL GEORGIUS Lusitanus eodem anno venit prædicatum S. Legem in Metropoli *Nan kim*, nunc *kiam nhym* dicta, ubi novam Ecclesiam ædificavit, ornavitque: deinde in urbe *Hoangan*, aliisque locis. Ab exilio postmodum redux in *Nan kim* Imp. *Cam hi* anno 16. (1677.) ibidem obiit. Sepultus est extra Metropolim infra collem *Yo hoa tai*.

LXI. P. MATHIAS DAMAYA Lusitanus *Xun chi* Imp. anno 13. (1656.) prædicavit Fidem in urbe *kium cheu* Prov. *Quam tum*. Deinde *Cam hi* Imp. anno 1. (1662.) venit moderator missionis in Prov. *kiam si*, *Nan kim*, & alia loca: demum rediens *Macaum*, & illinc missus ad novas in Indiæ insulis missiones aperiendas, naufragiumque passus obiit.